



Broj: 11-01-986-9/21
Mostar, 19.07.2021. godine

Otvoreni postupak broj: 02/21

Na osnovu člana 70. i člana 64. stav 1.b) Zakona o javnim nabavkama ("Službeni glasnik BiH", broj: 39/14) i na osnovu Preporuke Komisije za javnu nabavku broj: 11-01-988/21 od 16.07.2021godine ,
Ministar poljoprivrede, šumarstva i vodoprivrede d o n o s i:

ODLUKU

o izboru najpovoljnijeg ponuđača

Član 1.

Prihvata se Preporuka Komisije za javne nabavke, i ugovor za javnu nabavku usluge – „Laboratorijske usluge – Analiza mikrobiološke ispravnosti namirnica životinjskog porijekla i brisa radnih površina i osoblja u kontaktu sa hranom“ za potrebe Sektora veterinarstva dodjeljuje se ponuđaču "Javna ustanova „Veterinarski zavod HNŽ/K“ Mostar Ulica Kneza Višeslava br.30 88000 Mostar jer je dostavio najpovoljniju ponudu i ponudio cijenu koja iznosi 89.984,70 KM (sa uračunatim PDV-om) i uslove plaćanja : po periodičnim računima koji će biti vezani za obim izvršene usluge

Član 2.

Ponuđač iz člana 1. ove Odluke izabran je nakon provedenog postupka javne nabavke putem otvorenog postupka.

Član 3.

Prijedlog ugovora o nabavci dostavit će se na potpis ponuđaču u zakonskom roku.

Član 4.

Ova Odluka objavit će se na web-stranici Ministarstva poljoprivrede, šumarstva i vodoprivrede – www.mpsv-hnz-k.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav 6. i članu 71. stav 2. Zakona o javnim nabavkama.

Član 5.

Ova Odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 11-01-986-1/21 od 02.06.2021.godine nabavka usluge – „Laboratorijske usluge – Analiza mikrobiološke ispravnosti namirnica životinjskog porijekla i brisa radnih površina i osoblja u kontaktu sa hranom“ za potrebe Sektora veterinarstva

Javna nabavka je provedena putem otvorenog postupka broj: 02/21.

Evidencijski broj javne nabavke u planu nabavki Ministarstva poljoprivrede, šumarstva i vodoprivrede za 2021 godinu USLUGE 19..

Komisija je provela otvoreni postupak javne nabavke, te dala Preporuku za odabir najpovoljnijeg ponuđača.

Na javnom otvaranju ponuda konstatovano je sljedeće:

Na objavljeni otvoreni postupak javne nabavke tendersku dokumentaciju preuzelo je 5 (pet) zainteresovanih ponuđača

Na objavljeni postupak javne nabavke pristigle su (2) dvije ponude i to od strane sljedećih ponuđača:

1. Javna ustanova „Veterinarski zavod HNŽ/K“ Mostar
2. „EURO INSPEKT“ d.o.o. Sarajevo

Sve ponude su bile uredno zatvorene, adresirane i blagovremeno dostavljene u skladu sa tenderskom dokumentacijom

Na javnom otvaranju kojem je prisustvovao ovlaštenu predstavnik ponuđača „EURO INSPEKT“ d.o.o. pročitane su ponudene cijene i uslovi plaćanja

Nije bilo primjedbi na postupak otvaranja ponuda.

Komisija je na zatvorenom sastanku pristupila pregledu kompletnosti i ocjeni ponuda i tom prilikom konstatovala da je:

- ponuđač Javna ustanova „Veterinarski zavod HNŽ/K“ Mostar dostavio kompletnu ponudu, a
- ponuđač „EURO INSPEKT“ d.o.o. Sarajevo umjesto tražene:

h) Izjava (ovjerenu od strane ovlaštenog lica ponuđača) da posjeduje, odnosno da će u roku od 5 dana od dana prijema Odluke o izboru najpovoljnijeg ponuđača dostaviti dokaz kojim se zadovoljavaju standardi osiguranja kvalitete – Potvrda o akreditaciji, a sve u skladu sa članom 48. stav (6) Zakona o javnim nabavkama („Sl. Glasnik BiH“ broj: 39/14).

odmah dostavio:

Ovjerenu kopija Certifikata o akreditaciji BATA izdatu od strane Instituta za akreditiranje BiH dana 17.07.2019.godine pod brojem: LI-20-01, ali bez dodatka koji čini njen sastavni dio i koji sadrži detalje o akreditaciji kao i ostale podatke značajne za akreditaciju

Cjeneći činjenicu da je ponuđač dostavio Certifikat o akreditaciji preuranjeno te ugovorni organ nije imao priliku dati mu precizne upute o načinu dostavljanja, odnosno uputiti ga da obavezno dostavi i dodatak certifikatu, a smatrajući da isto nije nedostatak zbog kojeg bi odbacila ponudu kao nepotpunu, Komisija je procijenila da prije davanja preporuke ministru zatraži od ponuđača da dostavi pojašnjenje /dodatak certifikatu.

Naime, bez dodatka Certifikata iz kojeg će biti vidno da je ponuđač akreditovan za obavljanje svake od traženih analiza ponuđači ne mogu pristupiti potpisivanju ugovora o nabavci usluge.

Slijedom naprijed navedenog od ponuđača je zatražen dodatak koji je ponuđač dostavio putem mail-a odmah po pozivu za dostavu 13.07.2021.godine i poštom u ostavljenom roku 15.07.2021.godine.

Odmah po prijemu dodatka Komisija je Sektoru veterinarstva, po čijem zahtjevu je pokrenut postupak javne nabavke, prosljedila Certifikat o akreditaciji sa dodatkom na potvrdu da ponuđač može obaviti traženu uslugu.

Dana 15.07.2021.godine Komisija je zaprimila odgovor Sektora veterinarstva u kojem je navedeno:

„Na temelju uvida u dostavljeni Certifikat o akreditaciji broj LI-20-01 izdan od strane Instituta za akreditiranje BiH i pripadajući Dodatak akreditaciji br. LI-20-01 od 12.01.2021. godine utvrđeno je da ponuđač "EURO INSPEKT" d.o.o. p.j. "real INSPEKT" OJ LABORATORIJA ne posjeduje akreditirane metode ispitivanja za sve parametre koji su navedeni u tenderskoj dokumentaciji. Naime, detaljnim uvidom u Dodatak akreditaciji br. LI-20-01 od 12.01.2021. godine utvrđeno je da gore navedeni ponuđač ne posjeduje akreditaciju za sljedeće metode ispitivanja:

- *Horizontalna metoda za detekciju i brojanje Listeria monocytogenes i Listeria spp. – Dio 1: Metoda detekcije BAS EN ISO 11290-1:2018*
- *Horizontalna metoda za brojanje sulfitoredujućih bakterija koje rastu pri anaerobnim uslovima BAS ISO 15213:2008*
- *Horizontalna metoda za brojanje kvasaca i plijesni – Dio 2: Tehnika brojanja kolonija u proizvodima kod kojih je aktivitet vode manji ili jednak 0,95 BAS ISO 21527-2:2009*

Na temelju svega navedenog razvidno je da ponuđač "EURO INSPEKT" d.o.o. p.j. "real INSPEKT" O.J LABORATORIJA ne zadovoljava uvjete za vršenje kompletne usluge tražene u postupku javne nabave „Laboratorijske usluge – Analiza mikrobiološke ispravnosti namirnica životinjskog porijekla i brisa radnih površina i osoblja u kontaktu sa hranom“.

Na osnovu naprijed citiranog Komisija konstatuje da ponuđač „EURO INSPEKT“ d.o.o. Sarajevo nije akreditovan za izvršenje kompletne tražene usluge, pa ponuda kao takva mora biti odbačena kao nekompletna i neće biti razmatrana u postupku evaluacije.

Izvršenom kontrolom dokumentacije koju su ponuđači dostavili u svojim ponudama i naknadno dostavljenih pojašnjenja ponude Komisija je utvrdila da su u ovoj fazi sljedeći ponuđači ispunili zahtjeve iz Tenderske dokumentacije:

1. Javna ustanova „Veterinarski zavod HNŽ/K“ Mostar Ulica Kneza Višeslava br.30 88000 Mostar.

Naime, ukoliko ponuđač JU „Veterinarski zavod HNŽ/K“ bude odabran kao najpovoljniji neophodno je po dostavljanju Certifikata o akreditaciji, a prije sklapanja ugovora o vršenju usluge, izvršiti dodatne provjere dodatka akreditaciji u smislu provjere osposobljenosti ponuđača za pružanje kompletne tražene usluge.

Nakon izvršene ocjene ponuda ponuđača koji su dostavili kompletnu ponudu u skladu sa predmetnom TD, Komisija je konstatovala da nema uslova za vršenje evaluacije te rangiranje prihvatljive ponude u skladu sa kriterijem definisanim u TD – ekonomski najpovoljnija ponuda i utvrdila sljedeću rang listu:

1. Javna ustanova „Veterinarski zavod HNŽ/K“ Mostar

Ulica Kneza Višeslava br.30 88000 Mostar

Cijena: 89.984,70 KM sa PDV-om

Uslovi plaćanja : po periodičnim računima koji će biti vezani za obim izvršene usluge

Na osnovu provedene procedure javne nabavke i ocjene kvalificiranih ponuđača, ponuđenih uslova, cijena, te priložene dokumentacije i primjenjenih kriterija koje je ugovorni organ odredio u tenderskoj dokumentaciji, Komisija je jednoglasno utvrdila da je ponuđač Javna ustanova „Veterinarski zavod HNŽ/K“ Mostar Ulica Kneza Višeslava br.30 88000 Mostar dostavio prihvatljivu ponudu te ala preporuku da se donese odluka o odabiru najpovoljnijeg ponuđača.

U postupku ocjene provedenog postupka, Ministar poljoprivrede, šumarstva i vodoprivrede nije utvrdio razloge, nepravilnosti niti propuste u radu.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i internim aktima.

Ova Odluka objavit će se na web-stranici ministarstva i istovremeno i uputiti ponuđaču koji je sudjelovao u postupku javne nabavke.

Iz naprijed navedenih razloga, odlučeno je kao u dispozitivu.

Pouka o pravnom lijeku: Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke.

- Dostavljeno:**
1. Ponuđači 2x
 2. Web stranica Ministarstva
 3. a/a



Ministar
Donko Jović